



LE GOUVERNEMENT  
DU GRAND-DUCHÉ DE LUXEMBOURG  
Ministère du Travail, de l'Emploi et  
de l'Économie sociale et solidaire

**Réponse du ministre du Travail, de l'Emploi et de l'Économie sociale et solidaire à la question parlementaire n° 6942 de Monsieur le Député Jeff Engelen**

**Ad. 1, Ad. 2 & Ad. 3**

D'Infraktioun vum Mënschenhandel a Form vun der Prostitutioun ass am Artikel 382-1, Punkt 1) vum Code pénal virgesinn, dee follgendes bestrooft :

*« Constitue l'infraction de traite des êtres humains le fait de recruter, de transporter, de transférer, d'héberger, d'accueillir une personne, de passer ou de transférer le contrôle sur elle, en vue: 1) de la commission contre cette personne des infractions de proxénétisme, d'agression ou d'atteintes sexuelles; [...] »*

Betreffend d'Prostitutioun ass d'ITM net zoustänneg. D'Police huet eleng d'Kompetenz fir an dëser Matière ze enquêtieren.

D'Infraktioun vum Mënschenhandel a Form vun der Ausbeutung vun der Aarbecht oder Servicer ass am Artikel 382-1, Punkt 2) vum Code pénal virgesinn, dee follgendes bestrooft :

*« Constitue l'infraction de traite des êtres humains le fait de recruter, de transporter, de transférer, d'héberger, d'accueillir une personne, de passer ou de transférer le contrôle sur elle, en vue: [...] 2) de l'exploitation du travail ou des services de cette personne sous la forme de travail ou de services forcés ou obligatoires, de servitude, d'esclavage ou de pratiques analogues et en général dans des conditions contraires à la dignité humaine; [...] »*

Och wann d'ITM eng Missioun vu Präventioun, Sensibilisatioun a Kooperatioun am Beräich vun den Aarbechtsbedingungen huet, huet se keng Kompetenz am Kader vum Mënschenhandel a Form vun der Ausbeutung vun der Aarbecht oder Servicer.


D'Police huet eleng d'Kompetenz fir an dëser Matière ze enquêtieren. Et ass och e weidert spezialiséiert Team vun dëser Sektioon dat sech ëm d'Identifizierung vun Affer vu Mënschenhandel an den Assistenz- a Schutzmoosname këmmert, déi am amendéierte Gesetz vum 9. Mee 2009 iwwert Hëllef, Schutz a Sécherheet vun den Affer vu Mënschenhandel virgesi sinn. Deemno kann d'ITM sech net zur mentionéierter Ausso prononcieren.

Falls d'ITM am Kader vu senger Missiounen eng Situatioun begéint déi eventuell d'Konditiounen vum Mënschenhandel a Form vun der Ausbeutung vun der Aarbecht oder Servicer vum Artikel 382-1 vum Code pénal erfëllt, notifizéiert d'ITM dës dem Parquet deen den Dossier un d'Police weidergëtt fir weider ze enquêtieren, wann néideg, assistéiert vun den Inspektoren vun der ITM.


All Dossier deen an dësem Kontext bei de Parquet kënn, gëtt analyséiert mam Bezuch op de Critère vun den Aarbechtsbedingungen déi contraire zu der mënschlecher Dignitéit sinn.

Wann dëse Critère ginn ass, gi Poursuiten ageleet. An deem anere Fall ginn, sou wäit et méiglech ass, Poursuiten ageleet wéinst Verstéiss vum Aarbechtsgesetzbuch, haaptsächlech wéinst Verstéiss géint d'Aarbechtszäiten an dem Mindestloun.

Wat d'ITM a punkto Mënschenhandel an de leschte Joren ënnerholl huet, ass op der Säit 28 vum Rapport annuel vun der ITM aus dem Joer 2021 vermerkt. D'Unzuel vun den Aarbechtsinspekteren déi um Terrain aktiv sinn, ass duerch d'Rekrutementer vun de leschte Joren vun 22 Aarbechtsinspekteren am Joer 2018 op 69 Aarbechtsinspekteren am Joer 2021 geklomm:



Säit dem Enn vum Joer 2021 si 37 Stagiairen amgaang hire Stage ze maache fir kënnen Aarbechtsinspekter ze ginn :



Och ass ze bemierken, dass all Aarbechtsinspekter eng speziell Formatioun betreffend de Mënschenhandel kritt.

Zanter dem Joer 2015 hunn 161 Aarbechtsinspekteren, Agenten respektiv Stagiairen, d'Formatioun « *La Traite des êtres humains* » oder d'Formatioun « *Approche et accompagnement des victimes de la traite des êtres humains* » matgemaach. Dëst sinn am Ganze 573 Stonne Formatioun betreffend de Mënschenhandel.

Luxembourg, le 7 novembre 2022

**(s.) Georges ENGEL**  
**Ministre du Travail, de l'Emploi et de l'Economie**  
**sociale et solidaire**